



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

De concilio Episcoporum quinto, & constitutionibus clericorum reg. S.
Pauli. cap. 5.

urn:nbn:de:hbz:466:1-10502

est collegio ecclesia, & aedes sancti Spiritus Mediolani, in qua olim Humiliatorum Praepositura fuit; tunc vero erat Cardinalis Alexandrini. cumque nihil tunc quidem supponeret, quod perpetuo posset ad sumptus necessarios assignari; tribuit liberaliter Pontifex magnam pecunie summam, donec aliquid occurreret perpetuo tribuendum. Iacta sunt hoc anno Calend. Iunij collegij fundamenta. Carolus deinde diligentia, atque attentione usus, stabiles facultates ab eodem Pontifice impetravit; fructus Praepositurae Modoëiensis sanctorum Iacobii, & Philippi; sanctæ Crucis Novariensis; Sancti Antonij Papiensis, ad aureorum numen fere duo millia: atque aedibus illis alienatis, ampliores, commodioresque comparavit; in quibus pro facultatum modo magnus clericorum numerus, quos Archiepiscopus approbaret, educaretur, ad salutarem earum nationum utilitatem. Insignes quoque Praepositi, quae Mirafolis dicitur, fructus obtinuit, cessione Marci Sittici Altaempfij Cardinalis, anno MDLXXXI. ad aureorum fere tria millia, si integrum percipientur. quam piam, præclarumque liberalitatem suavit Marcus in Constantiensium suorum in primis, sed Altaempianorum quoque, & aliorum quorundam commodum redudare constituit; quemadmodum actis ipsis latius continetur.

De concilio Episcoporum quinto; & constitutio nibus clericorum regularium Sancti Pauli.

SAT. V.

Quintum consueto anni tempore celebrauit Episcoporum suorum concilium; in quo multa decrevit ad fidem catholicam a vicinis hereticis tuendam; ad christianam doctrinam tradendam, & in populo conservandam; ad sacros dies, sacraque tempora recte colenda; & ad alias christianæ disciplinae partes tuendas, spectantia. præcipue vero de Episcopis, & presbyterorum officiis pestis tempore; & de omni cura, & gubernatione ad Dei sacerdotes talis tem-

pore pertinente, ex iis, quæ experientia, & perficiendo cognoverat, multa constituit. in quo nouam, & pulcherrimam Ecclesiarum Dei paravit supellestilem. quintum celebrauit quamquam quarti decretorum volumen Romam anno ante probationis causa missum, ut absoluueretur, nondum impetrare potuerat: inciderat enim in eosdem seopulos, in quos res eius reliquæ. Illius concilij Episcopi, cum aduertissent inter alias corporis afflictiones, illam quoque Carolum suscepisse, ut super asseribus cubaret; quod quidem ad salutarem, & quietam tali tempore gubernationem gregis sui a Domino impetrandam, tunc fecisse credibile est: etiam, atque etiam ab eo postularunt, tandemque obtinuerunt; ut tantam remitteret asperitatem, & paleas saltem pro lignis substitui pateretur. Operam dedit post concilium valde opportunam; grauissimamq; praesentia suæ tribuit auctoritatem Congregationi Clericorum regularium Sancti Pauli: quæ nouas sibi constitutiones, cum ei veteres auctæ iam, & amplificatae non sufficerent amplius, scribere, summo Pontifice approbante, instituerat. ipse enim pro sua antiqua erga eam voluntate, quodlibetissime commemo ro, Patrum consultationibus ea de re habitis amantissime interfuit, & præfuit. quæcumque constituenda essent, omnia recognouit, probauitque; & Pontificia quoque auctoritate confir manda curauit: ut ex antiquis Episcopis unum posses agnoscere, qui pro sui status eximia præstantia, etiam de eorum disciplina, qui excellentiorem christianæ vitæ formam propofitam habent, optime iudicabant; atque adeo illam ipsam ut suæ exemplo exprimebant. est vero, cur id diuinior, maximique beneficij loco, quod facimus, ducere debeamus; quod tantu viri benigno adiumento, atque auctoritate, iacta sint nostra amplifica-

tio[n]is

tionis fundamenta. nam & rerum nostrarum ab eo tempore euentus ita perspicue confirmant. At Caroli quoque benevolentia, atque amori respondit semper ordinis nostri inter ceteros, vel potius, si bona omnium pace dicere licet, præter ceteros omnes, summa obseruantia, constansque eius studiis obsequendi, atque inseruendi voluntas: ut tantum ei Patres obedire eiusque sanctos conatus iuvare studerent; quantum ille eos benignè complectebatur, & nouis semper beneficiis ornabat. Studuit eodem fere tempore diligenter; ut erat coenobitarum discipline iuuandæ studiosissimus; & ad eorum piæ commoda, progressionesque semper, etiam inter maximas occupationes, paratissimus; rebus ordinis illius compendis, qui Sancti Ambrosij dicitur, Mediolanique, ac aliis quibusdam locis ritum seruat Ambrosianum. quibus ut res suas optime constituerent, religiosissimi Antistitis auctoritas, atque diligens opera non defuit. edidit libellum per id tempus, quem Memorialem inscripsit: ut ex eo Mediolanenses afflictionis, liberationisq; suæ proxima; tum caussarum, vnde profecta afflictio existimari debebat, memoria conseruata: res prosperas temperarent; gratias Deo haberent, agebantque semper; sibique in posterum cautius prouiderent.

Concilium autem ornauit translatio reliquiarum Basiliæ Apostolorum; quemadmodum & translatio ipsa ex Episcoporum præsentia, valde illustrata est. Mouerat eas Carolus superiore anno; cum canonici antiquam ædem instaurare, atque ornare vellent. Sed in loco destinato non reposuerat; ut honore, celebritateque maiore; cum haberetur concilium, per virbem gestarentur, & omnino earum esset translatio splendidior, & ad populum pie excitandum efficacior. Cum igitur altare pre-

cipuum, ex media ecclesia tolleretur; inuenimus sub eo quemadmodum à maioribus traditum erat, corpora sanctorum Antistitum nostrorum, Venetij, Clicerij, Maroli, atque Lazari; non satis commode tamen, aut distincte, ac in rudibus quibusdam lapideis labris posita. alia ossa incerta rudijs etiam habita: in medio loco arculam argenteam; & in ea quedam velamina; vasculumque rotundum, in quo ossis frustulum itidem cum ve- lo erat. Collocatas in hac æde priusdem Sanctorum Apostolorum reliquias Paulinus scribit; ea de causa Basiliacum Apostolorum appellata significans: Sanctum Simplicianum vero eas Roma attulisse quidam tradiderunt; quem quidem multum antequam Episcopus esset, peregrinatum esse, sanctus ipse Ambrosius testatur. perpetuò igitur existimatum est, eas reliquias sub hoc fuisse altari; atque adeo, ut sit, etiam vulgatum, certa ipsius Apostoli Petri ossa ibi recondi. ea nos cum hoc tempore iuovere gestiremus; & in argentea capsula, cum ea demum apparuisset, esse crederemus: velaminibus tantum repertis, hæstiuimus tristes. Sed quod inuentum in ea est; quidquid dubij afferretur; Carolus, cœlesti aliquo motus instinctu, tamquam Apostolica pignora iussit nihilominus haberi; & primo loco suis, sociorumque Episcoporum humeris in sacra pompa portari: tum eadem receptaculo recondi. At aliquot post annis memoria cum repeterem verum Romanorum Pontificum in reliquiis tradendis consuetudinem recordatus sum, reliquias Apostolorum petentibus, non ossa aliqua, quæ ne aspicere quidem auderent; sed brandeum, hoc est velamen quoddam in pixide conclusum tradidisse. cuius consuetudinis S. Gregorius testis est locupletissimus in epistola ad Constantiam Augustam. & Ioannes eius vita scriptor, qui

plu-